



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

« 18 » փետրվարի 2019թ.

Ո Ր Ո Շ ՈՒ Մ No. 210 /09Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյան քննարկելով <<ՄԱՍԻՍԻ ԱԿՈՒՆՔ>> ՓԲ ընկերության վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<ՄԱՍԻՍԻ ԱԿՈՒՆՔ>> ՓԲ ընկերության (ՀՎՀՀ՝ 03806576, հասցե՝ ք. Մասիս Երևանյան 46, պետական գրանցման համար՝ 77.120.00506) չկատարված հարկային պարտավորությունը <<21>> հունվարի 2019 թվականի դրությամբ կազմել է 3.234.644 դրամ, որից ապառք՝ 1.555.934 դրամ, տույժ՝ 1.668.410 դրամ, տուգանք՝ 10.300 դրամ: Տուգանքի մասով 10.300 դրամ և ռեզիդենտի շահութահարկի 36.957 դրամ պարտավորություններն առաջադրվել են ՀՀ ԿԱ ՊԵԿ Մասիսի ՏՀՏ 07.11.2001 թվականի թիվ 010233 ակտից, ինչը սույն որոշմամբ ենթակա է գանձման:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <<21>> հունվարի 2019 թվականին հարկ վճարողը ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, չի ներկայացել վարույթի նյութերին ծանոթանալու համար և որևէ բացատրություն չի տվել:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **3.187.387** դրամ, որից՝

ավելացված արժեքի հարկի գծով պարտավորությունը կազմում է 2.915.845 դրամ, որից ապառք՝ 1.397.554 դրամ, տույժ՝ 1.518.291 դրամ, որն առաջացել է 2000 թվականի 3-4-րդ, 2001 թվականի 1-2-րդ, 2002 թվականի 1-2-րդ, 4-րդ եռամսյակների ավելացված արժեքի հարկի հաշվարկներից և իրավահարաբերության ծագման պահին գործող <<Հարկերի մասին>> ՀՀ օրենքի 23-րդ հոդվածով հաշվարկված տույժից,

բնապահպանական հարկի և բնօգտագործման վճարի գծով պարտավորությունը կազմում է 10.042 դրամ, որից ապառք՝ 3.950 դրամ, տույժ՝ 6.092 դրամ, որն առաջացել է 2000 թվականի բնապահպանական հարկի և բնօգտագործման վճարի հաշվարկից և իրավահարաբերության ծագման պահին գործող <<Բնապահպանության և բնօգտագործման մասին>> ՀՀ օրենքի 18 հոդվածի 3-րդ մասով հաշվարկված տույժից,

եկամտահարկի գծով պարտավորությունը կազմում է 261.400 դրամ, որից ապառք՝ 143.400 դրամ, տույժ՝ 118.000 դրամ, որն առաջացել է 1999-2000 թվականների եկամտահարկի հաշվարկներից և իրավահարաբերության ծագման պահին գործող <<Հարկերի մասին>> ՀՀ օրենքի 23-րդ հոդվածով հաշվարկված տույժից,

պարտադիր սոցիալական ապահովության վճարի գծով պարտավորությունը կազմում է 100 դրամ՝ տույժի գումար:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2019 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման: Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<ՄԱՍԻՍԻ ԱԿՈՒՆՔ>> ՓԲ ընկերությունից գանձել **3.187.387** դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:

4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



[Handwritten signature in blue ink]

Ա. ՄՆԱՅԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. մեծի/ պաշտ. մեծի անուն ազգանուն

ամսաթիվ

Կատարող՝ ԻՎ ՀԳ քաժին,
գլխավոր մասնագետ
Անի Հովեյան, հեռ.0235-3-94-27